



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

LWETI 2013

EMAMAKI: 80

SIKHATSI: 2 ema-awa

Leliphepha linemakhasi la-14.

TICONDZISO KULABAHLOLWAKO

1. Leliphepha lehlukaniwe tigaba letintsafu:

SIGABA A: Siviso	(30)
SIGABA B: Sifinyeto	(10)
SIGABA C: Luhlelo nekusetjentiswa kwelulwimi	(40)
2. Fundza TONKHE ticondziso ngekucopelela.
3. Phendvula YONKHE imibuto ngeSiswati.
4. Cala lesi naleso SIGABA ekhasini LELISHA.
5. Dwebela ekugcineni kwalesi naleso sigaba.
6. Tinombolo tetimphendvulo atihambisane naleto letisephepheni lemibuto njengobe tinjalo.
7. Shiya umugca emkhatsini wetimphendvulo takho.
8. Bhala ngebunono nangesandla lesifundzekako.
9. Caphelisisa sipelingi/lupelomagama nendlela lewakha ngayo imisho.
10. Kwehlukaniwa kwesikhatsi:

SIGABA A: 45 Emaminithi	
SIGABA B: 30 Emaminithi	
SIGABA C: 45 Emaminithi	

SIGABA A: SIVISISO**UMBUTO 1**

- 1.1 Fundza lethekesthi lelandzelako lemayelana nesikhwama lesidojwe nguTom naMandisa bese uphendvula imibuto letawulandzela.

ITHEKSTHI A**INKINGA YESIKHWAMA**

Kutsite lapho boTom naMandisa beca erobothini, kwachamuka iveni yemaphoyisa, lapho-ke Mandisa wetfuka waphela.

'Tom ngikutjelile ngatsi sikiphe lesikhwama sitawuboshwa siboshelwe intfo lesingayati. Lokuncono asisikiphe lesikhwama sisilahle phasi nyalo emaphoyisa asengakasiseshi,' kusho Mandisa. Tom wafikelwa kutisola kutsi kube uvumile ekucaleni kutsi basikiphe lesikhwama, nyalo ngabe abangeni enkingeni ngentfo labangayati. Nhlanhla leyo emaphoyisa akamange ehle abaseshe kodwa atihambela nje emuva kwekuba lirobothi selivulile.

Bahamba njalo-ke boTom sebajakele esikhumulweni sematekisi. Kutsite basahamba njalo sebajakele kutsi lokungenani abaphumele ngaphandle kwelidolobha kute bakwati kuvula lesikhwama babone kutsi ngabe sinani lena lengaka. Tom watsi ubuka emuva wabona lelinye lijaha libalandzela libabuka ngemehlo lamabi. Kwekucala wacale watsalalisa Tom, watjela Mandisa kutsi abajikele kulesinye sitolo ngobe kukhona lafuna kukubona nembala bajike. Asatsi ubuka emuva Tom abone nalelijaha lijika libalandzela. Abone Tom kutsi kuphumela kwabo ngaphandle kwelidolobha kuyingoti ngobe lelijaha solomane libalandzele njalo.

Baphakamise tinyawo boTom, nalo lijaha liphakamise tinyawo, basitsele ngelijika, nalo lijaha lisitsele.

'Tom, lokuncono asisikiphe lesikhwama sisilahle phasi ngobe lelijaha mhlawumbe alihambi lodvwa nje. Sesitawudzimate sitsatselwe netimphahla tetfu ngenca yalesikhwama nje,' kusho Mandisa acalata emuva alibone solomane lite njalo lijaha. Nyalo selisedvute kakhulu.

Kutsite kusesenjalo kuchamuke imoto yemngani waTom. Tom ayimise basho etulu, isuke imoto njalo idvonse. Atsi kwehla emaphaphu kuMandisa nakuTom. Yahamba-ke ilibangise esikhumulweni sematekisi. Kutsite kusesenjalo, Tom wabuka emuva, wabona balandzelwa yimoto lemhlophe. Watsi nakatsi ubukisisa ekhatsi, wabona lelijaha belikadze libalandzela lisekhatsi nalo. Yabalandzela njalo imoto. Batsatsa lomgwaco nayo yatsatsa wona. Yabalandzela njalo-ke badzimate bayewufika esikhumulweni sematekisi, kugcwele bashayeli bebefana labatana naboTom. Labanye njalo wafundza nabo.

Tom wacabanga lisu langaphunyuka ngalo kulenkinga. Watsi kulomngani wakhe akengce angabehlisi esikhumulweni sematekisi. Mandisa naye wakujabulela loko ngobe abona kutsi bangahle baphunyule. Wavuma umngani waTom. Wayishaya yazula, yengca sikhumulo sematekisi. Mandisa uloku abuka emuva. Wayibona lemoto lemhlophe iloku isemuva kwabo. Lwamutsi bhi luvalo. Tom naye kwaba ngusona leso, angasati kutsi sebatayitsini lendzaba yalelijaha. Tom wacabanga kutsi acele umngani wakhe kutsi amise imoto behle babaleke abuye atibambe, acabange kutsi bangahle badutjulwe nabangabaleka.

Tikhatsi Letimatima, JJ Ncongwane: likhasi 12

- 1.1.1 Yini leyabangela Mandisa kutsi etfuke uma abona emaphoyisa? Khetsa imphendvulo YINYE. Bhala inombolo yemphendvulo kuphela.
- A Ubalekele bothishela esikolweni.
 B Untjontje imali ekhaya.
 C Wesaba kuboshwa ngemaphoyisa.
 D Kubukwa ngemaphoyisa. (1)
- 1.1.2 Basindziswa yini boTom naMandisa? (1)
- 1.1.3 Kukuphi esikhumulweni sematekisi? (1)
- 1.1.4 Lelijaha belilandzela boTom naMandisa belibabukelani ngemehlo lamabi? (1)
- 1.1.5 Nika KUBILI lokwenta kutsi Mandisa atsi akulahlwe sikhwama. (2)
- 1.1.6 Nika KUBILI lokukhombisa kutsi lelijaha belibalandzela boTom. (2)
- 1.1.7 Ngabe **ngumbono** nobe **liciniso** kutsi lelijaha lebelilandzela boTom belisigebengu? Sekela imphendvulo yakho ngeliphuzu LINYE. (2)
- 1.1.8 Kube lelijaha labatfola belitawubentani? Nika emaphuzu LAMABILI. (2)
- 1.1.9 Bekuyini inhloso yaTom nakatsi abajikele kulesinye sitolo? (1)
- 1.1.10 Yini leyabangela kutsi kwehle emaphaphu kuTom nakuMandisa ngalesikhatsi bagibele imoti? Nika emaphuzu LAMATSATFU. (3)
- 1.1.11 Ngekubona kwakho sento lesihle yini kutsi Tom naMandisa batsatse sikhwama lebangasati nekutsi sabani? Sekela imphendvulo yakho ngeliphuzu LINYE. (2)
- 1.1.12 Nika sifundvo lesitfolakala kuletheksthi. Bhala emaphuzu LAMABILI. (2)

1.2 Fundza lethekesthi lengentasi bese uphendvula imibuto letawulandzela.

ITHEKSTHI B

[New Age, 5 November 2012, likhasi 12]

- 1.2.1 Uma ubuka indlela labagcoke ngayo labantfu labakulesitfombe yini lefakazela kutsi kusebusika? (1)
- 1.2.2 Bhala KUNYE hulumende langasita ngako labantfu labakulesitfombe. (1)
- 1.2.3 Tenta msebenti muni letintfo letitsengiswako emtimbeni wemuntfu? Nika KUNYE. (1)
- 1.2.4 Emindenini yalabomake bobani labasitakalako ngalokutsengisa? Nika KUNYE. (1)
- 1.2.5 Lomsebenti lowentiwa ngulabantfu labakulesitfombe bawutfutukisa njani umnotfo waseNingizimu Afrika? Nika emaphuzu abe MABILI. (2)
- 1.2.6 Ungabasita njani labantfu kutsi libhizinisi labo libangenisele imali? Nika emaphuzu abe MABILI. (2)
- 1.2.7 Ngabe simo salabantfu labakulesitfombe bakhombisa kukujabulela yini loku lebakwentako? Sekela imphendvulo yakho ngeliphuzu LINYE. (2)

SAMBA SIGABA A: 30

SIGABA B: SIFINYETO**UMBUTO 2**

Fundza lethekesthi lelandzelako bese ubhala tintfo letisikhombisa ngekubaluleka kwekutilolonga.

ITHEKSTHI C**TICONDZISO**

1. Bhala emaphuzu LASIKHOMBISA ngemisho legcwele ngemagama LANGENGCI kulange-60.
2. Imisho yakho ayibe netinombolo kusuka ku -1 kuya ku -7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

KUBALULEKA KWEKUTILOLONGA

Bodokotela bakhutsata bantfu kutsi bahlale njalo batilolonga. Kutilolonga kufaka ekhatsi kuhamba, kugijima naletinye tindlela tekushukumisa umtimba. Tinhlelo tekutilolonga tehlukenene ngekwemazinga ekukhula. Kutilolonga kusita kwehlisa ematfuba ekungenwa tifo letifana nesenhlitiyo, umdlavuza, naletinye. Umtimba longalolongwa uyakhula bese kwandza emafutsa lagcina sekanciphisa imitsambo letfwala ingati bese umuntfu uhlaselwa sifo senhlitiyo.

Umntfu lotilolongako uba nematfuba lamancane ekulimala nekwephuka ematsambo nakawa ngobe phela kulolonga umtimba kwenta kutsi ematsambo acine. Umntfu longamange atilolonge kumele acale ngetinhlelo letilula tekutilolonga, angatsatseli etulu afise kufana nalabo labacale kadzeni kutilolonga. Phela nako kutilolonga lokungakahleleki kujika kube yingoti uma ungacaphelisisi.

Kulabo labanenkinga yekuphelelwa butfongo nabalala, kutilolonga kwenta kutsi balale butfongo beluswane. Phela ngalesikhatsi umtimba usuke uphumula bese kubuya nemaphupho lamahle. Umntfu longatilolongi uphelelwa butfongo ebusuku ngobe ingcondvo yakhe ibe iloku igaya itfulula, kudlange nemaphupho lamabi.

Umtimba lomkhulu uhlaselwa tifo letifana nesifo sashukela nehayihayi kalula. Kuba kuhle kutsi umntfu abe nemtimba lomncane kute alwe naletifo. Kutilolonga kuyasitake ekwehliseni umtimba. Sikhumba lesibi kutsiwa sisuke sibangwa yingati lembi. Umntfu uhlaselwa tilondza, lukhwekhwe naletinye tinkinga tesikhumba. Kutilolonga kukhutsata kugeleta kwengati bese sikhumba semtimba siyasuleka sibe sihle.

Kulolonga umtimba akusiko kwalabasha nobe kwalabagulako kuphela. Kuyadzingeka kutsi umtimba ukhiphe bosawoti labangasadzingeki. Uma utilolonga umtimba uyajuluka bese ngaleyo ndlela bosawoti labangadzingeki bayaphuma. Umtimba longalolongwa uhlala ukhula njalo. Loku kwenta kutsi umuntfu antjintjantjintje emasayizi etimphahla, asebentise imali lenyenti ekutsengeni timphahla letihambisana nebukhulu bemtimba wakhe. Kutilolonga kuyasita kutsi umtimba uhlale kusayizi yinye sikhatsi lesidze bese ngaleyo ndlela wonga imali lenyenti.

Ihunyushwe kuSkyways, Februwari 2013, likhasi 69

SAMBA SIGABA B: 10

SIGABA C: LUHLELO NEKUSETJENTISWA KWELULWIMI**UMBUTO 3: SIKHANGISI**

Fundza lesikhangisi lesingentasi bese uphendvula imibuto letawulandzela.

ITHEKSTHI D

**Likhofi
Leligucula
Inhlitiyo
Ibe yiGolide!**

Ngalesikhatsi inkhomishi itsintsa tindzebe temlomo utayitsandza i-NESCAFÉ GOLD. Kusetjentiswe emabhontjisi mbamba elikhofi ekujuleni kwekunambitseka kwalesinatfo, liphunga lelimnandzi nekunambitseka lokuvuselela inhlitiyo. Ngetulu kwako konkhe, liyimphendvulo ekulangateleleni likhofi lelingumngani wemphefumulo.

**NESCAFÉ
GOLD**

UMKHICITO LOCOLISAKELE

[Gateway, May 2012, likhasi 86]





- 3.1 Sitsini sicubulo salesikhangisi lesingenhla? (1)
- 3.2 Lelikhofi lelisesikhangisweni lentiwe ngani? (1)
- 3.3 Ngabe yini leyenta lomuntfu amamatseke lokulesikhangisi? Nika liphuzu LINYE. (1)

- 3.4 Kubangelwa yini kutsi lamanye emagama abhalwe ngalokwehlukile (ngekugcizelela) kulesikhangisi? Nika liphuzu LINYE. (1)
- 3.5 Nguyiphi inkhulumo lengemanga lesetjentiswe kulesikhangisi? Bhala tibonelo letimbili. (2)
- 3.6 Kubangelwa yini kutsi lelikhofi lifaniswe negolide? Khetsa YINYE imphendvulo.
- A Ligutjwa emayini yegolide.
B Kwakhiwa ngalo imali.
C Kwakhiwa ngalo ijuwelari.
D Liyatsandzeka kumuntfu lolinatsako. (1)
- 3.7 Ngabe **ngumbono** nobe **liciniso** kutsi lelikhofi lingumngani wemphefumulo nobe inhlitiyo? Sekela imphendvulo yakho ngemaphuzu LAMABILI. (3)
- [10]**

UMBUTO 4: IKHATHUNI

Fundza lekhathuni lengentasi bese uphendvula imibuto letawulandzela.

ITHEKSTHI E

<p>Bantwabami ngiyanitsandza kodvwa angijabuli ngemiphumela yenu. Yini leyenta kutsi nilibale kangaka?</p>	<p>Thishelanhloko, imiphumela yaThobile naJabulani mibi. Sengibakhulumisile, ngabentisa nalolunye luhlolo.</p>	<p>Ngiyabonga thishelakati. Ungakhohlwa kutsi kusandza kushona batali babu kungako bangaphumelelanga.</p>
 <p>IFREYIMU 1</p>	 <p>IFREYIMU 2</p>	
 <p>Sanibonani! Ngabe kuliciniso kutsi anisebentanga kahle etifundweni tenu?</p> <p>IFREYIMU 3</p>	 <p>Ncesi! Thishelanhloko, siyetsembisa kutsi sitawusebenta ngekutimisela.</p> <p>Bantwabami, ngimele bona batali, ningakhatsateki kakhulu sitawuninika lelinye litfuba.</p> <p>IFREYIMU 4</p>	

[The Star Friday 20 July 2012, likhasi 14]

- 4.1 Shano kutsi lomusho longentasi ukuyiphi **indlela yesento**?
Khetsa YINYE imphendvulo.
'Siyetsembisa kutsi sitawusebenta ngekutimisela'

- A Indlela leyamile.
- B Indlela yesimo.
- C Indlela lesalibito.
- D Indlela lecondzile.

(1)

- 4.2 Bhala ligama **lelinemcondvo lophikisa** ligama lelibhalwe ngekugcizelela emshweni longentasi. (Bhala leligama kuphela).
Thishelanhloko utsi imiphumela yaThobile naJabulani **mibi**. (1)
- 4.3 Efreyimini ye-2 kunesento **lesiyimphambosi yekwentisa**. Sikhokhe usibhale phasi. (1)
- 4.4 Khokha **sabito** lesitfolakala efreyimini ye- 4. (1)
- 4.5 Phindza ubhale lomusho lolandzelako ucale ngekutsi: Itolo ...
'Siyetsembisa kutsi sitawusebenta ngekutimisela'. (2)
- 4.6 Sebentisa ligama lelitsi '**libala**' emshweni lotakhele wona uvete **umcondvo lowehlukile** kunalona lokukhathuni kufreyimu 1. (2)
- 4.7 Bhala KUBILI lokusesitfombeni lokukhombisa kutsi ithekhinoloji iyasetjentiswa kulesikolo. (2)
- [10]**

UMBUTO 5: IPHROZI

- 5.1 Fundza lethekesthi lengentasi bese uphendvula imibuto letawulandzela.

ITHEKSTHI F

INTFUTFUKO YASEMPHAKENI

Make Mdluli watsi bantfu baseMphakeni angeke basahamba libanga lelidze ngetinyawo baye Kanyamazane bayotsenga, sekutawakhiwa titolo letiningi ndzawonye. Letitolo titawakhiwa eceleni nesiteshi semaphoyisa kute kubalekelwe bugebengu. Kwakhiwa kwaletitolo kulendzawo kutawusita umphakatsi ngekucosha likati etiko emindenini leminingi yaseMphakeni. Bantfu baseMphakeni badzabula ngetinyawo nabaya Kanyamazane. Bantfu labaningi eMphakeni labebangasebenti sebayasebenta, labanye babambe ematohwana ekwakha titolo. Kulawo mabhizinisi kutawuba khona indzawo yekulala, titolo letahlukahlukene letitsengisa timphahla letahlukahlukene. Make Mdluli waphindze wajabulisa umphakatsi ngekutsi atsi madvute nje naseLihawu uma uya ngasedolobheni kutawuvulwa emafemu ekwakha tintfo letahlukahlukene. Takhamuti titawuzuza ngobe ematfuba emsebenti atawuvuleka. Bobabe kuphela labatawucashwa emafemini. Isensasi yaveta kutsi bantfu labanyenti ePinari abasebenti. Bantfu lesingatsi bayasebenta ngulabo lebabambe ematohwana kaMadlisa, esikhumulweni setindiza nasemapulazini labakhelene nawo. Bahola imali lencane. Hawu! Kantsi baningi kangaka bantfu labangasebenti.

[Icanjwe ngu FE Nkomo]

- 5.1.1 Nika ligama LINYE lelimele lenkhulumo lebhalwe ngekugcizelela kulemisho lelandzelako:
- (a) Bantfu labaningi eMphakeni labebangasebenti sebayasebenta, labanye babambe **umsebenti wesikhashana** wekwakha titolo. (1)
- (b) Bantfu labatawutfola umsebenti **ngulabo labakhe kuyo lendzawo** yaseMphakeni. (1)
- 5.1.2 Chaza kutsi kungani kutsiwe lomusho lolandzelako ungumbuto?
'Ngubuphi buhle lebutawuletfwa kwakhiwa kwetitolo eMphakeni?' (2)
- 5.1.3 Bhala LELINYE ligama leliso bugebengu. (1)
- 5.1.4 Khetsa YINYE imphendvulo **lechaza lesaga** lesitsi:
'Likati lilala etiko.'
- A Alinayo indzawo yekulala.
B Kunendlala.
C Litsandza umlilo.
D Litsandza kudla. (1)
- 5.1.5 Khipha **sihlanganiso** kulomusho lolandzelako utakhele wakho umusho.
'Takhamuti titawuzuza ngobe ematfuba emsebenti atawuvuleka.' (2)
- 5.1.6 Khokha umusho **loneluvelomagama** lolukhomba kumangala kuletheksthi lengenhla. (2)
- 5.1.7 Khokha umusho kuletheksthi lengenhla losho kuhamba ngetinyawo. (2)
- 5.1.8 Ngabe lenkhulumo lengentasi inalo yini **liciniso**? Usho ngani?
'Bobabe kuphela labatawucashwa emafemini.' (2)
- [14]

5.2 Fundza lesitfombe lesingentasi bese uphendvula imibuto letawulandzela.

ITHEKSTHI G



- 5.2.1 Bhala ligama lelisesitfombeni leliso lokufanako naleli lelibhalwe ngekugcizelela kulomusho longentasi.
'Nine mantfombatane nivulele lempompi liminithi lonkhe yaze yavalwa ngini **majaha**.' (1)
- 5.2.2 Bhala ligama **lelibolekwe** kuletinye tilwimi kulomusho longentasi.
'Sikhatsi sesiphelile, valani timpompi.' (1)
- 5.2.3 Nika ligama **lelikhomba indzawo** emshweni longentasi.
'Bantfu batawufundza nini kuyekela kudlala emantini?' (1)
- 5.2.4 Ngabe **ngumbono** nobe **kuliciniso** yini kutsi bothishela bacedza emanti ngekunatsa litiya kakhulu? Sekela imphendvulo yakho. (2)
- 5.2.5 Khipha ligama leliso **kubabata** kulomusho longentasi.
'Ha! Manje nitsi ngenteni liminithi linye alisilidze.' (1)

[6]

SAMBA SIGABA C: 40
SAMBA SAKO KONKHE: 80